

آذربایجاندا درس کیتابلاری - ۱

امثال لقمان

حاج میرزا حسن رشديه

امثال لقمان

مقدمه یازان و حاضیرلایان:

دکتر ح. م. صدیق

انتشارات زوفا

۱۳۷۹

رشدیه، حسن، ۱۲۲۹ - ۱۳۲۲.
امثال لقمان/حسن رشدیه؛ مقدمه یازان و حاضیر لایان ح.م. صدیق. --
تهران: زوفا، ۱۳۷۹.
۷۱ ص. -- (آذربایجاندا درس کیتابلاری؛ ۱)

ISBN 964-91916-5-8

فهرست نویسی بر اساس اطلاعات فیبا.
کتاب حاضر در دوره‌ی ناصرالدین شاه قاجار برای تدریس در دوره
ابتدایی مدارس «رشدیه» تألیف شده است.
۱. ادبیات ترکی -- ایران. الف. صدیق، حسین، - ۱۳۲۴، مصحح.
ب. عنوان.
۸ الف ۳۱۴/PL
کتابخانه ملی ایران
۸۹۴/۳۶۱
۷۸-۲۲۰۷۴ م

زوفا

- امثال لقمان
- اثر حاج میرزا حسن رشدیه
- باهتمام دکتر ح. م. صدیق
- حروف چینی و ویرایش: ائلدار محمدزاده صدیق
- چاپ و صحافی: جلالی
- چاپ اول: ۱۳۷۹
- تیراژ: ۲۰۰۰
- قیمت: ۵۰۰ تومن
- شابک: ۹۶۴-۹۱۹۱۶-۵-۸
- ISBN: 964-91916-5-8

زوفا: تهران - صندوق پستی ۷۳۱-۱۳۱۸۵

تلفکس: ۶۴۳۲۶۵۴-۶۹۴۱۵۴۷

ایچینده کیلر:

بِسْمِ اللَّهِ الرَّحْمَنِ الرَّحِيمِ

۷. مقدمه

۱. ايلك ايشيقلار ۸
۲. گۆن يازى درسليکلىرى ۹
۳. اسلاميت دؤرو ۱۰
۴. قوتادغو يىليغ ۱۱
۵. عتبة الحقايق ۱۳
۶. دده قورقود يارديمچى درسليک متنى ۱۴
۷. ديوان حکمت ۱۵
۸. تفتازانى نين درسليگى ۱۵
۹. غريب نامه ۱۶
۱۰. قصص الانبيا ۱۶
۱۱. سراج القلوب ۱۷
۱۲. مزكى النفوس ۱۷
۱۳. قارا مجموعه ۱۷
۱۴. ظاهرة الملوک ۲۰
۱۵. معجى گلشنى نين درسليکلىرى ۲۱
۱۶. گلزار باهار ۲۲
۱۷. حاج ميرزا حسن رشديه نين درسليکلىرى ۲۳

۲۷. درسليگين متنى

۲۸. اخطار ۲۸
۲۹. درس باشلاندا اوخونان دوعا ۲۹
۱. بير آسلان ايله ايکى ئوکوز ۳۱
۲. انسان ايله بير بوت ۳۴
۳. بير قارا عرب ۳۵
۴. باغا ايله بير داوشان ۳۶
۵. مارال ۳۷
۶. خسته بير مارال ۴۱

۷. بىر عرب ۴۲
۸. كۆپكلر ايله بىر تولكو ۴۳
۹. ايكى خوروز ۴۴
۱۰. كۆپك ايله بىر قورد ۴۵
۱۱. ائشكك آرىسى ۴۶
۱۲. كۆپك ايله بىر چايلاق ۴۷
۱۳. آسلان ايله بىر مارال ۴۸
۱۴. بىر آدام ايله بىر يستانچى ۴۹
۱۵. ملك الموت ايله انسان ۵۰
۱۶. ميرچگين خيالى ۵۱
۱۷. آسلان ايله بىر انسان ۵۲
۱۸. آسلان ايله بىر مارال ۵۳
۱۹. اوغرو زاهيد ۵۴
۲۰. آسلان ايله قورد و تولكو ۵۵
۲۱. باغوان ايله بىر عوسج آغاجى ۵۷
۲۲. شتر و سيپان ۵۹
۲۳. خوروز و گۆيرچين ۶۰
۲۴. تدبىرسىز بىر مارال ۶۲
۲۵. طاماهكار بىر قارى ۶۳
۲۶. قورد ايله آسلان ۶۴
۲۷. حقارته تايى اولمايان آسلان ۶۵
۲۸. آلدانمايان بىر ئوكوز ۶۷
۲۹. بىر اوشاق ۶۹
۳۰. عقرب ايله بىر اوشاق ۷۰
- خاتمة الكتاب ۷۰
- متنده گئدن سۆزجوكلر ۷۱
- متنده گئدن آتاسۆزلىرى ۷۲

- ١ -

مقدمه

۱. ايلک ايشيقلار

تورکجه درس کيتابلاری تاريخيني يازماق، ايندى بير او قده رده آسان دگيلدير. چونکه بو ساحده هئچ بير تحقيقي ايش گؤرولمه ميشدير. اونا گؤره ده بو قيسا مقدمه ده بئله بير ادعا دا اولما دان، مدنيت تاريخيميزين بو قولونا ثوتري بير نظر سالي ريق.

ايران تورکلری آراسيندا، درس اوخوما و اوشاق تعليم ائتمه سنتي نين يئددی مين ايلليک تاريخی واردیر. آذربايجانين مختليف يئرلرينده کشف اولونان ماغارالار و يئر آلتی «درس يئرلری» بونا آيدین بير ثبوتدور. ايران تورکلری، يازی اختراع ائتدیلدیکن سونرا، درس اوخوما و اوشاقلارا يازی ثويرتمه جلسه لرینی يئر آلتی تالارلاردا تشکيل ائديرديلر. آذربايجانين بير چوخ يئرلرينده تاپيلان بو تالار و ماغارالاردا، پالچيق و يا داش اوزرينده حک اولان درس لوحه لری تالاردا تاواندان آسلانارميش. بعضی ماغارالاردا ايسه، داش ديوارلاردا، اوخوناچاق متنلر حک اولارميش. بير چوخ تپه لرینده تاپيلان اون يئددی يئر آلتی تالاردا يوزلر داش و پالچيق لوحه لر کشف ائديلميشدير.

يئر آلتی درس تالارلاری، عموميتله موضوع اساسيندا بؤلونورموش و اداره سی سونرالار «جادوگر» آدلانان «کاهن» لر عهده سينه ايميش و تورکلر اونلارا «قارا بشجان» و «گؤی بشجان» دئيرميشلر.^۱ بو درسخانالاردا، گؤی تانری عبادتی رسملری، اوستو ثورتولوگيزلی

۱. بيلينديگی کیمی بورادا گئدن «قارا» و «گؤی» سؤزلری رنگ معناسی داشيمير. اولو و بؤيوک معناسيندادير. نئجه که «گؤی مسجد» و «قارامجموعه» سؤزلرينده ده همین معنالاردا ايشلنميشير. «بشجان» سؤز ايسه سونرالار آذلا رين دؤلت آدی اولان «آذر» کلمه سی ايله ده بيرلشميشدير و «آذربايجان» سؤز يارانميشدير.

عالمردن روحلار و توتملر چاغیرما دبلری، اسرار انگیز دونیالاردان بشر معیشتی و دونیا سعادتیی ایچون یاردیم ایستمه دوعالاری و داش یونما و یازی یازما ایشلر ئویره دیلیردی.

داش یونما و یازی یازما ایشلر، تالارلاردان ائشیکده و دوزنگاهلیقلاردا ئویره دیلیر و لاکین نظری مسأله لر و گیزلی دونیالار ایله علاقه ساخلاما و بو ایشلر ایچون متن اوخوما و تکرار ائتمه ایشلری تالارلارین ایچینده و یئر آلتیندا کئچیردی.

بعضاً داش یونما و یازی حک ائتمه قابلیتینه مالیک اولان «بیلگه» لر، آئیت و یازیت یازما و کتیبه لر یونما ایچون، قونشو ائللر طرفینده ده اجیر اولوردولار. ایندی الیمیزده اولان ۵۳ «گۆی تورک» آبیده لرینده بو مسأله لره صراحتله اشاره اولونموشدور. بو آبیده لر ۱۷۲۳ م. ایلینده علم عالمینه معلوم اولموشدور. اونلاری ۱۸۹۳ م. ایلینده تامسن Thomsen و سونرا رادلف Radloff اوخوموشلار. همین کتیبه لر ۳۸ حرفلی «گۆی تورک القباسی» ایله یازیلیمیشدیر. بو حرفلر آراسیندان ۲-سی جوت سسلی، ۸-ی سسلی و ۲۸-ی سس سیز حرفلردن قورولوردو.

۲. گۆن یازی درسلیک لری

۱۹۰۴ نجو ایلدن باشلا یارق تورقان چؤلرینده اوغورجا عیسوی و مانوی متینلر تاپیلیمیشدیر. همین وادیده موتوق آدلی بیر کند یانیندا موتوق صومعه سی کشف ائدیلیمیشدیر. بو صومعه یه باغلی بیر مدرسه بیناسیندا اوغورلارین تورکجه درس کیتابلاری دا کشف ائدیلیمیشدیر. بونلارین ان ئونمیلیسی «بودا» دینینده اولان اوغور تورکلری نین «بیلگه بودا» اثریدیر.

بو اثر بیر یوکونج Yükcünc و ۲۸ ئولوش Ölüs دور. «یوکونج» مقدمه دئمک و «ئولوش» بؤلوم یئرینه ایشلنیر.

بیلگه بورکان بیر درس کتابی کیمی اوخونورموش. بو کتابدان همین صومعه و اطرافیندا چوخلو اوغور القباسی ایله الیازماسی تاپیلیمیشدیر

دکتر تناسی تکین ارضرومدا ۱۹۶۰-نجی ایلده بو درسلیگین تنقیدی
متنی نی نشر ائتدی.

ایندی الدهه مینلر اویغورجا «گۆن یازی» واردیر که اویغورشناسلار
طرفیندن اینجه له نیر. بو گۆن یازیلارین ساخلانیلان یثرینه تاغار Tagar
دئییلیردی. تاغار کلمه سی: توربا، هییه، چانتا، داغار جیق و خورجون
معناسیندادیر. تاغالاردا ساخلانیلان گۆن یازیلارین آدی ایسه «تاقباس» و
«باستاق» ایدی. بو ایکی کلمه نین باشقا حصه سی ایسه «باسماق»
مصدری نین کۆکودور. بو مصدر: ازمک، تضییق ائتمک و حک ائتمک و
نقر ائتمک آنلامیندادیر. گۆن یازیلاران ترتیب ائدیلمن کیتاب
مجموعه لرینه «باستاق» دئییلیردی. سونرالار ایراندا یاشایان تورک
اولمایان قبیله لر، بو کلمه نی پوستاک، آپوستاک، آپوستاغ، آوستاغ، آوستا
و... تلفظ ائتدیلر و حال حاضریدا زرتشتی لرین دینی کیتابلاری بئله
آدلانیر.

۳. اسلامیت دؤرو

پیغمبر مکه دن مدینه یه هجرت ائتدی کدن سونرا، مسجد هم عبادت،
هم مهم مسأله لر ایچون مشورت مرکزی و همده تعلیم و تربیه یثرینه
چئوریلدی. مسجدلرده پیغمبر زامانیندا تعلیم حلقه لر قورولوردو و
حضرت پیغمبر ئوزوده بعضا بو حلقه لرده اشتراک ائدیردی. صحابه و
تابعین مسجدلرده درس دئیردیلر. هفته ده بیرگونده خانیملار مسجدلره
یییغیلیب علم کسب ائتدیردیلر.

تورکلرده ایراندا اسلامی یایماغا باشلادیقدان سونرا بوتون داغینیق
مکتب خانالاری یاواش - یاواش مسجدلره منتقل ائتدیلر. و
مسجدلرده مکتبلر قورودولار. گون به گون قوتلندیریلن مسلمانلار بیر
طرفدن مجوسی قیاملاری یاتیردا بیلدیلر و باشقا طرفدن، سامانیلر
دؤرونده قرآن مجیدین تورکجه چئویری و تفسیرینه باشلادیلار و
«نهج الفرادیس» (=سیر نبویه) و «قوتادغو بیلغ» کیمی اثرلر یاراتماغا

باشلادیلار.

بو دۆرده یارادیلان مکتبلرده، درس مشق ائتمه ایچون، داش یا پالچیق لوحه و یا گۆن یوخ، بلکه حاضیرلانمیش سوموک لوحه لریندن استفاده اولونوردو.

تورکلر اسلامیتدن سونرا، درس اوخوما اصولونو تامامیله دگیشدیلر. حتی درس اوخوما اصطلاحلاری:

کتاب، مکتب، لوح، مداد، قلم

کیمی، هامیسینی قرآندان آلدیلار. قرآن خطینی ده قبول ائتدیلر. مدرسه لرده هر شیئدن اول اوشاقلارا قرآن ئویره دیردیلر و بونون ایچون الفبا کتابلاری یازماغینا باشلادیلار. بو کتابلارین ان مهمی دیوان لغات الترک (تالیف ۴۶۶هـ) ایدی. و اونونلا برابر، آشاغیداکی کیتابلاردا تدریس اولونوردو:

۱. الادراک للسان الاتراک

۲. تُلغة المشتاق فی لغة الترك و الفقجاق

۳. التحفة الزکیه فی لغة التریکه

۴. الدرّة المضيئه فی لغة التریکه

۵. مقدمة الادب زمخشری

۶. الذرور الذهبیه فی لغة التریکه

بو کتابلار مکتبلرده قرآندان قاباق، قرآن مجیده حاضیرلیق کیمی اوخونوردو. قرآن ئویره دیلدیکدن سونرا نهج الفرادیس و قوتادغو بیلغ رسمی مکتب کتابلاری کیمی درس وئریلیدی.

۴. قوتادغو بیلغ

«قوتادغو بیلغ» مثنوی سی نین مؤلفی بو اثری ۵۰ یاشیندا ایکن ۴۶۲هـ ایلینده قوشموشدور. مؤلفی نین آدی «یوسف خاص حاجب» دیر. او ابوعلی سینا کیمی بیر شخصیت ایدی. اونون بو تورکجه اثری ۶۶۴۵ بیت دیر. مثنوی فورماسیندا، ۳ قصیده و ۱۷۳ قوشا بیئت ایله برابر یازیلیمیشدیر. اثر ناغیل دیر و

ناغيلين دۆرد قهرمانى واردير كه هر بيرى بير تجريدى ئوزلليگى تمثيل ائدير:

گونددوغدو - عدالت،

آيدوللو - دولت،

ئوغدولموش - عقل،

اودغورموش - قناعت.

قوتادغو بيلغى اثرلرينده توركجه درس كىتابلارينا دا اشاره اولونور.

توركجه متنلىرى و كىتابلارى قوتادغو بيلغى بئله بۇلور:

۱. آويچغا سۇزو = پيغمبرلر و قوجالار سۇزو.

۲. بيلگىلىگ سۇزو = عالimler و دانشمندر سۇزو.

۳. اوزانلىق سۇزو = شاعرلر سۇزو.

و بو كىتابلارى احتوا ائدن دربار كىتابخانا لاريندان استفاده ائتمگىنى سۇيله يير.

قوتادغو بيلغى بئله باشلاير:

بايات آدى ايله سۇزه ياشلاديم،

تۇره دن، يارادان، كۇچورن ايديم.

ئوكوش ئوغدو بيرله تومن مين ثنا،

اوغان بير باياتا آنا يوخ فنا.

ياغيز يئر ياشيل گۇي گون آي ايله تون،

تۇروتدو خلاق ئود-ئودلك بوگون.

*

اثرين اوشاقلارا نصيحتلريندن نمونه لر

اولوغ بولدون ارسه كيچيك توت كۇنول،

اولوغكا كيچيكلىك ياراشير اوغول.

*

بيليكلىك^۱ سۇزو يئره سوتك بولور^۲،

آقیتسا سویون یترده نعمت بولور.

*

بور^۱ ایچمه گوناها قاتیلما حذر،
بو ایکی چیغایلیق^۲ دونونو گئده.

وفایا وفا اول کیشی لیک حق،
وفا قیل کیشی اول، آدینی بویوت.

۵. عتبه الحقایق

۶-نجی عصردن سونرا ایراندا تورکلرین درس کتابلارینا عتبه الحقایق ده
اضافه اولوندو.

عتبه الحقایق مؤلفی ادیب احمدین محموددور. بو کتاب تماماً اخلاقی و
تعلیمی بیر کتابدیر و ایران تورکلری آراسیندا صفویه زمانینا دک تدریس
اولونارمیش.

امیر علیشیر نوائی اثرین مولفینی «ادیب الادبا» و «فاضل الفضلا» آدلاندیریر.
اثر ۲۰ قصیده و غزل و ۱۰۱ قوشا بثیتدن عیبارتدیر و «درس کیتابی» کیمی
یازیلیمیشدیر. اثر بئله باشلاییر:

ایلاهی ٹوکوش حمد آیورمن سنا سنین رحمتیندن اومار من اونا
سنین وارلیغینا تانیقلیق وئریر جماد، جانوار، اوچقان، یوروین، ننا.
سوموگه ایلیگ تک اره نه بیلک

اره ن گؤرکوسو^۳ اوس^۴ سوموگو ایلیک
ییلیک سیز، ایلیک سیز سوموک تک قالی

ایلیک سیز سوموگه سونولماز الیک^۵

۱. شراب. ۲. بدبختلیک. ۳. جلال، شکوه. ۴. عقل.

۶. دده قورقود کیتابی یاردیمچی درسلیک متنی کیمی

روایتدیر که حضرت پیغمبر امریله مدینهده عبدالله بن سعید بن امیر مسلمانلاری ساوادلاندیرماغا چالیشدی. او، اسلام عالمینده محققلر نظرینجه بیرینجی عالیم ساییلیر، بدر ساواشیندان سونرا، حضرت بویوردو اسیرلری مسلمانلاری ساوادلاندیرما قارشیسیندا آزاد ائتسینلر. هر اسیر اون اوشاگی ساوادلاندیریب آزاد اولوردو.

تورک - اسلام قایناقلا ریندا دئییلیر که حضرت پیغمبر (ص) ین مبارک عمرونون سونا چاتماسیندان بیر نئچه ایل قاباق، اولو بابامیز دده قورقود پیغمبرین حضورنا یئتیشیر و اجازه ایسته بیر که تورکلر آراسیندا معلم لیگه باشلا سین و پیغمبر حضوروندان دؤندوکدن سونرا، ۲۳ ایل تورکلره ائلجه بیلن اولور. و یثنه روایتلره گؤره اودا پیغمبر کیمی ۶۳ یاشیندا دونیادان کؤچور.

دده قورقود تورک قبیله لری ایچینده چوخلو مکتب قوروب، اونلارین آراسیندا گزیر، اونلارا مقدس قوپوزدا چالارمیش و مقدس سؤزلری قوپوزلاردا بیان ائدرمیش و جوانلاری اسلامی یایماق ایچون کافیرلره ساواشا حاضیرلارمیش.

تاسفله قئید ائتمه لیک که دده قورقودون واختیله یازدیغی مکتب کتابی یا کتابلاری ایندی الیمیزه گلیب چاتمیشدیر. روایتلره گؤره بو کتابلار قرآن آیه لری و شریفه احادیث شرحی ایمیش.

ایندی الیمیزده اولان دده قورقود داستانلاری نین مقدمه سی گمان که بو کتابلاردان آکینمیشدیر. الیمیزده اولان الیازمالارین بیرى نین ۴۴۶-نجی ایلینده یازیا کؤچورولموش اولان دده قورقود داستانلاری نین بیر مکتب کتابی اولوب اولما ماغی حاققیندا من قطعی سؤز دئییه بیلیم و لا کین ظنیمجه بو کتاب درس کتابی دا اولماسا، بیر یاردیمچی مکتب کتابی ایمیش و مسلمان تورک مدرسه لرینده اوخونارمیش.

۷. دیوان حکمت

تورکلر آراسیندا اسلامیت دۇرونده مکتب آچما و تورکجه درس دئمه
تاریخینی اساس ایکی دۇوره یه بۆلمک اولار:

۱. قبيله و عشيره دۇرو

۲. دۆلتي دۇور

ایکینجی دۇرده تورک - اسلام عالمینده تعلیم و تربیت انسجاملی و
سیستما تیک و رسمی اولاراق دوام ائدیر و بو، هیجری ۳۵۰ -نجی ایل
سلجوقیلر دۇروندن باشلا ییر. بو دۇرده ده یوزلر درس کتابی تورک دیلینده
یازیلیر، تفسیر، کلام، ریاضیات، طب، منطق، دیلچیلیک و علمین مختلف
ساحه لرینده اثرلر یازیلیر خواجه احمد یسوی نین دیوان حکمت کتابی همین
عصرده یازیلیر. بو کتاب نظامیه مدرسه لری نین هامیسیندا تدریس اولونورموش.
یسوی نین دیوان حکمت اثرینی اوخویان اوشاقلار بو کیمی مصراعلاری
حیفظ ائدیردیلر:

سیز و ییزی حق یاراتدی طاعت ایچون

ای بوالعجب یشمک ایچمک راحت ایچون

قالو بلی دئدی روحلار محنت ایچون

عالیم اولوب یئر آلتینا گیردیم مونا

۸. تفتازانی نین درسلیگی

«دیوان حکمت» اثریندی سونرا «تفتازانی» نین «بوستان ترجمه سی» همین
دۇرده بیر درس کیتابی کیمی اوخونورموش.
سعدالدین مسعود تفتازانی (وفات ۷۹۱ هـ) و خواجه احمد یسوی آراسیندا
۳۰۰ ایل زمان فاصله سی واردیر. تفتازانی سید شریف جرجانی نین ان یاخین
دوستو ایدی.

اونون مهم اثرلری وار:

مقاصد، عربجه کلام علمینده دیر

تهذیب المنطق، عربجه کلام علمینده دیر

کشف الاسرار، فارسجا تفسیر دیر
بوستان، تورکجه ۷۵۵ هـ تاریخینده یازیلان درسلیک اثریدیر.

۹. غریب نامه

ایکینجی تورک اسلام تعلیماتی دؤنمینده عاشیق پاشا آدلی عالیم و شاعر طرفیندن بیر منظوم درس کتابی یازیلیر. بوکیتابین آدی غریب نامه دیر. بو اثر ۷ -نجی عصرده یازیلیمیش و تاماميله آذری تورکجه سیله دیر. اثر اون بابدادیر و هر باب بیر درس دیر. هر درسین تدریسی ایچون بیر نئچه آی واخت لازم ایمیش ۱ -نجی درس توحید و ایلاهی عشق، ۲ -نجی درس انسانین ئوزونو تانیماسی ۳ -نجو درس دوغورلوق و دوزلوک نه دیر و بوکیمی درس لر..

غریب نامه نین برینجی بابی توحید و حضرت پیغمبرین نعتی و رسالتینه دائر دیر. اوندان سونرا کائنات و حضرت آدمین یارادیلشی و انسانین آلاها و دینینه قارشى وظیفه لری تدریس اولونور.

همین بابین اولینده شاعر دئیر:

تورک دیلینه کیمسه لر باخماز ایدی

تورکلره هئچواخت کؤنول آخماز ایدی

۱۰. قصص الانبیاء

۸ -نجی عصرده یثنی بیر اثر مکتب کتابلاری آراسینا داخل اولور، اودا ثعالی نین قصص الانبیاسی نین ترجمه سی دیر. بو کتابین مترجمی نین آدی حله علم عالمینه معلوم دگیل دیر. بو کتاب ۸ -نجی عصرده باشلا یاراق قرن لر مدرسه لرده تدریس اولونورموش.

نثریندن نمونه: «قابیل آیتدی ای آتا قارداشیم هاییلدن اولو دگیلمی ون؟ من حقلی ون، دگیلمی ون؟ آدم آیتدی: ای اوغول فضل تانری الینده دیر. قابیل آیتدی: بؤیله دگیل دیر، بیلگیم سن اونو کندى راینندن منیم اوستومه بیغه دین...

۱۱. سراج القلوب

همین زاماندا احمد راعی ایکی بؤیوک اثر یازیر:

۱. بیرى سراج القلوب

۲. دیگرى مفتاح الجنه

هر ايكيسى درس كتابى كيمى حوزه لر و دینی مکتبلرده تدریس اولونوردو.

بو معلمین نثریندن نمونه:

«ای اوغولوم بیکیم شاهلاردان بیرسی ئولجگی واختین بیر قاریجیق آناسی وارایدی. حاضر گتیردی و قالان اوغلانلارین جمع ائیلهدی. منیم سیزه وصیتیم وار، آنی یئرینه گتیرن داخی نه ائدرسه نیز ائده سیز» دئدی. «ائله اولسون نه دئرسن باشیمیز اوزره ائده ریز» دئدیله.

۱۲. مزکی النفوس

صوفیلیک زاویه لری و خانقاهلاردا تدریس اولونما ایچون ۹-نجو عصرده مزکی النفوس آدلی اثر یازیلیب. بو اثری، اشرف بن عبدالله (ئولوم ۸۷۴) خانقاهلاردا اوخونماق ایچون یازمیشدیر.

فقیرلیک نه دیر

بو فقیرلیک اگر تعلیم ایسترسن، اولو سلطانلیقدیر و کیمسه بیلمز بونون لذتینی، یتنه فقرا بیلر و بو فقیرلر اوچماقده دخی سلطان اولسالار گرکدر. حضرت رسول (ص) آیدیر: معراج گئجه سی منه اوچماغی عرض ائتدیله، اکثر خلقینی فقرا گؤردوم. تامونو عرض ائتدیله اکثر خلقینی خاتونلار ایله غنیلر گؤردوم. بو فقیرله سلطانلار دئمک معنی بودورکه بونلار شیطان قولو اولماقدان قورتولموشلاردیر و بو غنیلر شیطان قولو اولوبدورلار. شیطان بونلاری دونانین اون یئدی دورلو بندیه باغلامیشدیر، برکیتمیشدیر، قول ائتمیشدیر.

۱۳. قارامجموعه

۳-نجو دؤره صفویه دؤرودور. بو دؤره نی فراماسونر تاریخ علوم یازانلاری

ايرائين «فترت و ثولوم» دۇرو آدلانديرلار، حالبوكه همين دۇراندا هر دۇره دن چوخ توركجه ميزده درسى و غير درس كتابلار يازيلير، توركجه ايرائين رسمى، ادبى و علمى و اردو و دۇلت دىلى اولور.

بو دۇره ده يازيلان درس كتابلاريندان شيخ صفى الدين اردبىلى نين دگرلى «قارا مجموعه» اثرى و ملا محمد فضولى نين قيمتلى «صحة الاثمار» كيتابينا اشاره ائتمه لييك.

قارا مجموعه كيتابلارى عموميتله طريقت و تصوفى زاويه لرده تدريس اولونور و همين موضوعلارايله علاقه دار، شعر و نشر بۇلوملرينى احتوا ائديرميش. شيخ صفى الدين اردبىلى زمانيندا اونون آذربايجاندا عرفانى زاويه لرین توسعه سينده بۇيوك رولو اولدوغو ايچون «قارا مجموعه» اونون آدى ايله باغلانميشدير. شيخ صفى دن سونرا، اونون مريدلرى و عموميتله صفوى جوانلارى و اردبىللى عارفلىر و عاليملىر طرفيندن توركجه ميزه بير چوخلو «قارامجموعه» آدى درس كيتابلارى قازانديريلميشدير.

قارا مجموعه نين مکتبلرده اوخونان بۇلومونون نثريندن نمونه لر:

«... سؤزون اصلى كؤنولدور. هر كيم كؤنول بحرینه يول تاپدى، نه ايسترسه چيخارتدى. آنلاركيم صورته باخدى، غفلت ايپين بونونا تاخدى. طاعت خرمينى اودا ياخدى. دوخانى گؤيلره چيخدى. زيرا كؤنول، حق كندو ايچون ياراتدى.» هر كيم منى ايسترسه، سيني قكؤنوللرده بولسون.» دئدى. هر كيم كؤنوله يول بولمادى و ايسته دوگى نسنه يى آندا بولمادى، اوچماغا داخى گيرمه دى. حق ديدارين گؤرمه دى. غافل اولما. كؤنوله يول بولان كيشيه قول اولان مغبون دگيلدير. اگر، اول سنى قوللوقا قبول ائدرسه، زهى دولت.

پس ايمدى آئين كيم كؤنولدن خبرى اولماي، قاميشى شكردن آيرميش اولما. من آنا نه دئييم؟ اول نه آنلايا؟ زير ائويودو اهلينه دئمك گركدير. دۇرى صدفده، نافه يى آهوده گؤرون دئميشلر. پس ايمدى نادانه معرفه الله دئمك، شوره زمينه تخم اكمك كيمي دير و مركب گردانه جواهر آسماق كيمي دير... زيرا سرائه حقين چريلريدير. بير كؤنوله گيرجك، نه قدهر نسنه وارايسه

سوروب چىخارار، محنتلىرى اريدير، ارلىرى شير مرد ائدر، شير مردلىرى فرد ائدر، فردلىرى اهل درد ائدر، اهل دردى شريت ائديب «صفى» ائدر.

ايمدى سن داخى كۆنول اليه آل علم ربانى كاتايىندان اوخو، «قارا مجموعه» نى اليه آل، كۆنول كۆيوندە دوغان دۆلت آيىنى و سعادەت گونشيني گۆر تاگۆزوندىن غفلت حجابى گىندوب حق كىتابى روشن اول، قارا تىنىدىن آغ گوللر آچىلا. وجودون قارا كولوغوندىن آيدىنلىقلار ساچىلا. كۆنلومون سارايى روشن اولوب، اوغرولار آندان كسىله، ملكلر ايله دول. زيرا بو وجود بير دوكاندير، سنا كرايه وئريلمىشدير، ايچينده رنجبرليك ائدير سن. بو دوكانين گنجونده گنج واردير. دوكان يىنده ايكن كنجى قاز، گنجى بول. يوخسا وعده گلجك، سنى دوكاندان چىخارارلار و كنجده گنجى بولارلار، آردىنجا باخاباخا قالارسان.

پس ايمدى وجودون معناسى اول زمان سنه مسلم اولور كيم سليمان كيمى خاتم نفسين دئو اليىندن قورتاروب، امين اولاسان. يوخسا خاتمى دئوين اليه وئردىن ايسه، خداپرست ايكن، دوپرست اولدون.

مثلا بير خاتون بير كيمسه يه نكاح اولسا، بير كيمسه داخى اونو نكاح ائده ييلمز. يعنى كۆنول دونيايا تابع ايسه، آندا حق تصرف اولماز و اگر حقّ تابع ايسه، نفس تصرفى اولماز.

شيخ صفى قدّس سرّه بويوردوكة: طالب حق خودبينليگى ترك ائتمه ينجه، خدايين اولماز.

الهي! نيلرم اول سرى كه اسرارى يوخ، نيلرم اول روحى كه انوارى يوخ، نيلرم اول وردى كه درد و عشقى يوخ، نيلرم اول ذكرى كه سوزو و شوقى يوخ، نيلرم اول ركوعى كه خضوعى يوخ، نيلرم اول سجودى كه خشوعى يوخ، نيلرم اول تكييرى كه تكريم سيز اول، نيلرم اول قيامى كه تعظيم سيز اول، نيلرم او وضوءى كه نورسوز اول، نيلرم اول طاعتى كيم حضورسوز اول...

۱۴. ظاهره الملوک

صفویه دؤرونده آذربایجانین غرب حصه لرینده یاشایان سروری آدلی عالیمیمیز ظاهره الملوک آدلی اون بابتا بیر نثر درس کتابی یازیر. بیرینجی باب ایمان احکامینا عائدیر و قالان دوققوز باب سیراسی ایله بئله دیر:

آللاها عبادت، آتا آنا یا حرمت، ار-آرواد حقوقی، اولادو اقربا حقلمی، عدل و احسان حاققیندا، رعیت حقلمی، دؤلت حقوقی، انسانین مخلوقات آراسیندا یئری و آلاهیین احسان ائتمدیگی نعمتله شکر. بو کتابدان نمونه:

«ای عزیز بیلکیم الله تعالی انسانی ایکی حقیقتدن خلق ائتدی، بیرى صورت ظاهره دیر، دیگرى سیرت باطن دیر، صورته حق دئرلر، سیرته خُلق دئرلر. بو ایکی حقیقتین فضیلتی و رذیلتی وار...»

بو درسلیک کیتابی، شاهزاده لر و اعیان اوشاقلارینا درس دئمه و اونلاری مملکتی اداره ائتمگه حاضرلایما ایچون یازیلیمیشدیر.

همین عصرده انوارالعاشقین کتایینی آذربایجانلی بیر عالیم یازیر اونون آدی احمد بن محمد بئجان اردبیلی دیر (بئجانلار). الله اولان الیازماسی ۹۶۷ هـ ایلینده استنساخ ائدیلمیشدیر. بونلار ایکی قارداش اولموشلار، هر ایکسی ده معلم. بیرسی نظم و دیگرى نثر اثری یازمیشدیر. اردبیلی عالیم مقدمه ده تاکید ائدیر که بو کیتابی مکتبلرده اوخونما ایچون یازمیشدیر.

مقدمه دن نمونه:

ای طالب ابرار ایلاهی، بو کتاب عظیم و خطاب کریمی جمع اثیلین محمد ولدی احمد بئجان دیر. حق تعالی رحمت ائتسین آناکیم جمیع عالمین علمینی بونده درج ائله دی، بونون اوزریه کیم عارفلی غایتی و اصل لرین نهایتی دیر. اول قارینداشیم عالم و عارف، کامل و فاضل، تازی نین خاصی، ارنلر سروری و کتابی دخی متعلم لره تعلیم اولونسون و عالم لره اوخونسون

دئە دوزلئدی تورکی دیلینده یازدی تاییزیم ائلین قوومی انوار علم تعلیمندن
فایده گؤرسونلر.

۱۵. محیی گلشنی درسلیک لری

هیجری ۱۱-نجی عصرده تبریزده بؤیوک بیر عالیم و دیلچی ظهور ائدیر و
زاویه لرده تدریس ائتمه ایچون بیر نئچه درس کیتابی یازیر. حتی او، «بالی بیلن»
آدلی بیر دیل ده اختراع ائدیر. اونون آدی «محیی گلشنی» دیر. اوندان ایندییه کیمی
۳۰ تورکجه و ۱۰ فارسجا یا عربجه درس کیتابی بیزه گلیب چاتمیشدیر.
تورکجه درس کیتابلاریندان:

۱. ساریق

۲. اخلاق کبیر

۳. نفحات الاسحار

۴. اسماء الحسنی

۵. مناقب گلشنی

۶. قیخ حدیث

اثرلرینی آد آپارماق اولار.

او، شاه طهماسب زامانی یاشایردی مکتبلرده تدریس ایچون یازدیغی «بالی
بیلن دیلی» و اونون اختراسی حاققیندا دئیر:

دخی بیر مستقل دیل قیلدیم ایجاد بیر آدم قیلماق اولماز ثویله بنیاد
اؤدیپ آمیخته تورکی، فارسی هم عرب اوسلوبو اوزره اولدو محکم
اولوب بالی بیلن نام اول لسانه مسرتب اولدو اول فسئ یگانه.
اثر ۸ بؤلومدور: ۱. امثله

۲. امثلة البناء

۳. صرف و نحو

۴. حروف

۵. اعداد

۶. مصادر

۷. لغت

۸. اصطلاحات

مقدمه ده دئير که ديل بيرليگي، دين بيرليگيندن ناشي اولور و بو ديل مسلمانلار ايچون يازيليدير که ديل آيريليغي آرادان قالديريلسين.

قتيد ائتمک لازمدير که محيي گلشنی دن سونرا، باشقالاری دا ديل اختراعی ائتمک فيکرينه دوشموشلر. او جمله دن دکتر زمانه فون اختراع ائتديگی «اسپراتو» ديلینی ميثال گتيرمک اولار. و لاکين محيي گلشنی نين اختراع ائتديگی ديلين بيزيم ايچون مهم خصوصيتلری واردير. او جمله دن:

۱. مخترع اسلام و مسلمانلارين بيرليک و وحدتی آرزوسو ايله بو ديلي يارادير.

۲. ديل چوخ مکمل و گئنیش و عين حالدا نهايت درجه ده ساده يارانميشدير.

۳. ديلي اختراع ائدن بير تورک عاليمدير.

۱۶. گلزار باهار

«محيي گلشنی» دن «ميرزا حسن رشديه» يه قدير اوچ يوز ايل زمان فاصله سی واردير. بو اوزون زماندا، البته که ايراندا، يوزلر تورکجه يثنی درس کيتابلاری تاليف اولونموشدور. بو اثرلردن آد آپارماق و اونلاری تحليل ائتمگه گئنیش بير فرصت لازمدير و بو قيسا مقدمه ده مطلب حقی ادا اولونماز. اودورکه بيز اوچ يوز ايل آتلاييريقي و يالنيز، رشديه نی معرفي ائتمکدن قاباق «حاج سيد عظيم شيروانی» نين «گلزار باهار» اثرينه ده قيساجه اشاره ائديریک.

حاج سيد عظيم شيروانی ئوز هم شهريسي خاقانی شيروانی کيمي، ايران اديباتيندا بؤيوک و قاليجی آد قازانميشدير. اؤسته ليک او، همده درين ديندار و عارف بير شاعير ایدی. اونون اثرلری آراسيندا بير «درس» کيتابی دا واردير. بو کيتابين آدی «گلزار باهار» دير و کئچن عصرده مکتبلرده و مسجدلرده اوخونوردو. بو کيتابدان بير نئچه داش باسماسی موجوددور که بيريسي ده تبريز شهرينه عائددير.

گلزار بهاردا یوزه یاخین کیچیک حکایه‌لر واردیر. حکایه‌لر مختلف یئرلردن سئچیلیب حتی گلستان، بوستان و پریشان کیمی فارسجا کیتابلاردان دا استفاده اولونوبدور.

حکایه‌لریندن نمونه

بیر نفر اهل حال ائدیدی سؤال
ن‌دیر علم نجومده رأیین
حضرت علی(ع) جواب وئیر:
معنی سیز علم یو خودور عالمده
اولدوزا آند ایچیدی بارخدا
همین کتابین سونوندا سیدعظیم یاردیمچی درس کیمی عبیدزاکانی نین
سیپان پیشیک کتابی نین ترجمه‌سینی ده وئربدیر.

بو درس کتابی بئله باشلاییر:

دیباجه طراز فن تعلیم
دل مائل حالت جنون‌دور
حاج سید عظیم شیروانی، کتابینی باشدان آیاغا اوغلو «جعفر»ه خطاب ائدیر.
مثلاً:

جعفر ای سبیط حیدر کُزار
ویا: جعفر ای راحت روان پدر
و یانای اوغول اولما خلق آرا نَمَام
و یانای اوغول قیلما اهل علمی ضعیف
مردلیک شیوه‌سینده اول هشیار
گل خوش ای عطر گلستان پدر
اولدو نَمَام کیمسه ذاتی حرام
بیل بو علم نجومی، علم شریف

۱۷. حاج میرزا حسن رشديه

تقوالی عالیم آخوند ملاّمهدی تبریزی نین اوغلو میرزا حسن، هیجری ۱۲۶۷
-نجی ایله فتحعلیشاه امری ایله تولدورولن صادق خان شقاقی نین نوه‌سی
ایمانلی و فضیلتلی قادین «سارا خانیم شقاقی» دن، تبریزین چرن‌داب محلّه‌سینده
دونیا یا گؤز آچدی. آتاسی همین محلّه مسجدی نین پیشنمازی ایدی. او ئوز

آتاسی، سونرا شهرین باشقا عالیملری یانیندا و مکتبلرینده تحصیل ائتدی. جوان ایکن، ئوزو محلّه سینده اوشاقلار ایچون کیچیک بیر مکتب آچدی. بو مکتبه، محلّه ده باش وئرن بیر چوخ اخلاق مسأله سی ایله علاقه دار ایشلره دخالت ائدیردی و رسمی دولت مأمورلاری کیمی، خیلاف ایش گؤرنلرین قاباغیندا دایانیردی. اونا گؤره، محلّه اهلی اونو چوخ سئویر و اونا «میرزا» دئییردیلر.

میرزا حسن، ۱۲۹۸ -نجی ایلده قارداشی «میرزا علی» ایله بیرلیکده سوریه و شاماتا سفر ائتدی. همین ایلده «بیروت» شهرینده فرانسالیلارین آچدیقلاری «کالج» ده درس اوخودو، و یشی درس شیوه لری ایله تانیش اولدو. ایکی ایل سونرا، ایروان شهرینده «رشديه مسلمان مدرسه سی» تاسیس ائتدی و ه ۱۳۰۵-نجی ایلده تبریزه گلیب «خیوان» محلّه سینده همین آد آلتیندا بیر مدرسه قوردو. بو مدرسه، «شیخ الاسلام مسجدی» یانیندا ایدی و «میرزا حسین واعظ» کیمی تبریزین او زامانکی بؤیوک عالیملری اورادا تدریس ائتمگه دعوت اولونموشدو.

قارداشی «میرزا علی» ایسه «مقصودیه» محلّه سینده مکتب آچدی و سونرا بو مکتبی «تربیت» خیوانیندا کی «ملا کلبعلی» مسجدینه منتقل ائتدی. حاج میرزا حسن، ئوز مدرسه سینین «رشديه» آدلاندریغی ایچون، همین آد ایله تانیندی. او، رشديه مدرسه سی و قارداشی نین مکتبی نین درس برنامه لرینی تبریز روحانیلری نین امضاسینا چاتدیرمیشدی. تبریزده آچدیغی مدرسه گون به گون توسعه تاپدی و اون ایل دوام ائتدی. بو مدرسه نین آلتی ایلیک و یا آلتی دؤنملیک برنامه سی بله ایدی:

۱. بیرینجی دؤنم «تجهیزیه» آدلانیردی. بو دؤنمده «آنادیلی» و «تسهیل التعلیم» کیتابلاری تدریس اولونوردو.
۲. ایکینجی دؤنم «اعدادیه» آدلانیردی. بو دؤنمده «وطن دیلی» و «قرآن - جزء عمه» و «گلستان سعدی» کیتابلاری تدریس اولونوردو.
۳. اوچونجو دؤنم «تسهیه» آدلانیردی. بو دؤنمده «امثال لقمان»، «قرآن - چره که»، «اخلاق محسنی» و «کفایه التعلیم» کیتابلاری تدریس اولونوردو.
۴. دؤردونجو دؤنم «ابتدائیه» آدلانیردی. بو دؤنمده «قرآن»، «انوار سهیلی»،

«نهایة التعلیم» و «تبصرة الصرف» کیتابلاری تدریس اولونوردو.
 ۵. بئشینجی دؤنم «درجه اول» آدلانیردی. بو دؤنمده «قرآن-ختم»،
 «دروس النحویة»، «تاریخ و صاف» و «ارشاد الحساب» کیتابلاری تدریس
 اولونوردو.

۶. آلتینجی دؤنم «درجه ثانی» آدلانیردی. بو دؤنمده «تاریخ و صاف» کیتابی،
 «قرآنسه» و «بدیع» تدریس اولونوردو.

حاج میرزا حسن رشديه «آنادیلی» کیتابینی ه ۱۳۰۵ -نجی ایلده و «وطن
 دیلی» ایله «امثال لقمان» کیتابلارینی ۱۳۰۶ -نجی ایلده تألیف ائتدی. بئله لیکله
 اونون مدرسه سینده تورکجه، فارسجا، عربجه و فرانسیزجا دیللری تدریس
 اولونوردو و بو دیل لر واسطه سی ایله، جوانلار علمین مختلف ساحه لرینه ال
 تاپیردی لر. ه ۱۳۱۴-نجو ایلده تبریز والیسی «میرزا علی امین الدوله»، اونون
 مدرسه سینده یوز نفر محصلین خرجینی ئوده مگی بویونا آلدی و مدرسه نی
 دؤلت اورگانینا چئویردی. بیر ایل سونرا، امین الدوله تهرانا گئتدیکدن سونرا،
 اونون مخیلفلری «رشديه» مدرسه سینده حمله ائدی ب، اورانی داغیتدی لار.
 بئله لیکله سیاسی او یونلارا دوشن حاج میرزا حسن رشديه ۱۳۱۵ -نجی ایلده
 تهرانا گئتدی. اورادا اونا «معارف آتاسی» لقبی وئردیلر و...

سونرالار، ۱۳۲۶ -نجی ایلده «کلات» قصبه سینده تبعید ائدیلدی و ۱۳۴۵
 -نجی ایلده «قم» شهرینده یئرلشدی و همین شهرده مدرسه آچدی و نهایت ه ق.
 ۱۳۶۳ -نجو ایلده قم شهرینده وفات ائتدی.

رشديه مدرسه سی نین تبریز خلقی طرفیندن گئنیش و حرارتلی استقبال
 اولماغی نین اساسی سببی، بو مدرسه ده تورکجه میزه اهمیت وئرمک و بو دیله
 سایغی بسله مک ایدی. حاج میرزا حسن رشديه، یازدیغی «آنادیلی» و «وطن
 دیلی» کیتابلارینی، داش یاسماسی اصولی ایله چاپ ائتدیرمکدن قاباق، بیر و یا
 ایکی ایل مدتی نجه ئوز الی ایله گؤزل نستعلیق خطی ایله بیر نئچه نسخه ده
 استنساخ ائدی ب معلملر آراسیندا داغیدیردی. ایندی ده تبریزی قدیم عائله لرین
 ائولرینده همین نسخه لر دن نمونه لر ساخلانی لیر. سونرالار، همین اوچ کیتابی داش
 یاسماسی طریق ایله چاپ ائتدیره بیلن حاج میرزا حسن رشديه، اونلاری تهران و

قم شهرلرينده آچديغي مدرسه لرده تدریس ائتديريردی. بورادا، بيز، بو کيتابلار آراسيندان «امثال لقمان» کيتابينی يثنی دن نشر ائتديریک. همین کيتاب، قاجار دورونده ديليمزده يازيلان سون درس کيتابی کیمی دگلنديريلمکده دير.

رشديه بو کيتابدا ۲۹ تمثيل (Fable) ترجمه ائتميش و بعضی تمثيللره قيسسا شرح ده يازميشدير. اوج تمثیلی ايسه، بير داها نظمه چکميشدير. کيتابين ديلي چوخ ساده و دانيشيق شيوه سينه ياخين بير اسلوب ايله يازيلميشدير. کيتابين اولينه «درسه باشلاما دوعاسی» و سونونا «ختم دوعاسی» نی دا آرتيرميشدير. همین دوعالارين تورکجه چئويريسيني ده وئرميشدير.

اثری نشره حاضيرلاما ايچون، مرحوم رشديه نين تبريز شيوه سينه اساسلانا توزونه خاص املاء و حتی ديل بيلگيسي قايدالاريني ساخلاما قا چاليشديغيم حالدا، تورکجه ميزين سس بيليم تمللرينه رعايت ائتمگي، املاءدا اساس سايديم. آرتيرديغيم سؤز و يا اکلری ايسه ايکی آيراج [] ايچينه آلدیم. کيتابين سونونا بعضی سؤزجوکلرين ايضاحی و متنده ايشلنن آنالار سؤزلری نين سياھه سيني ده آرتيرديم.

رشديه نين يازديغي اوج تورکجه درسليک، ايراندا «درسليک يازما تاريخی» مبحثينده چوخ اهميت داشيان بير بحثه چئوريله بيلر. اونون درسليکلرينی سونرالار حاج عبدالرحيم نجارزاده تبریزی (طالبوف)، حسين کاظم زاده ايران شهر، سيد مهدي اعتماد، علی فطرت، محمد علی صفوت و باشقالاری تعقيب ائتديلر. تورکجه درسليک يازما، ايراندا بير سنت و عنعنه ایدی و سؤز يوخ که بو درسليکلر، ايرانين بير چوخ شهرلرينده خصوصيله آذربايجاندا و قافقازدا، حتی نجف، کربلا، موصل، اربيل و کرکوک اياالتلرينده تدریس اولونوردو. الله اونون روحون شاد ائله سين.

دکتر حسين محمدزاده صديق

تهران دانشگاهلاری نين تورک ديلي و ادبياتی اوستادی

تهران - ۱۳۷۸

- ۲ -

درسلیگین متنی

مبتدی اوشاقلار اوخوماقدان اؤترو عربی دن ترجمه
اولونموش «امثال لقمان» آدلی مثللردير.

اخطار

«امثال لقمان» ایله مشهور اولان حکایت کیتابی، عربجه دن بیر چوخ
شرق و غرب دیللرینه نقل و ترجمه قیلینیب، بؤیوک - کیچیک مکتبلرده،
او جمله دن آوروپادا «السنه ی شرقیه» مکتبلرینده، شاگیردلره آندان درس
دئییرلر و اونيله، شاگیردلری عرب لفظلرینه آز - چوخ آشینا ائدیرلر.
«امثال لقمان» ین فرانسیزجا اولان ترجمه سی، ایکی - اؤچ روبلا
بوگونلر ساتیلماغی معروف دور.

«امثال لقمان» اولونان رغبت، اونون ساده عرب لغتيله یازیلماغینا
جهت دگیل، بلکه اونداکی هر بیر نقل و مثل، طبیعت و طینتِ بشرده
مستور اولان بیر صیفت و خلقتی، مثلا شجاعت، حماقت، فراست، درایت
و ذکاوت، یا خود جبر، صبر، تکبر و تهوّر میثیلی سایر اوصاف خفیه لری،
قوش و حثیوان دیلیه انسانا بیان و عیان ائيله مگینده دیر. که طالبی و راغبی
هر بیر ملت آراسیندا واردیر.

بو امثالین اخلاقیه فواید معنویه لریندن بیر چوخ یگانه و بیگانه لر
مستفید اولماقدادیر. بیز آندان نه اوچون بهره مند اولمایاق.

درس باشلاندا اوخونان دوعا

هرگون درسه شروعدان قاباق معلّمين و متعلّمين [ين] خاليص قلب ايله
اوخوياجاقلاری دوعادير:

دوعانين متنی

اَللّٰهُمَّ ارْزُقْنَا عِلْمًا نَافِعًا وَ حِفْظًا كَامِلًا وَ ذِهْنًا شَامِلًا وَ طَبْعًا
وَهَمًّا ذَكِيًّا وَ تَوْفِيقًا لِتَحْصِيلِ الْعُلُومِ اَللّٰهُمَّ افْتَحْ
عَلَيْنَا اَبْوَابَ فَضْلِكَ وَ رَحْمَتِكَ وَ يَسِّرْ عَلَيْنَا خَزَائِنَ عِلْمِكَ وَ
اِحْسَانِكَ اَللّٰهُمَّ اُنْصِرْ سُلْطَانَنَا الْغَادِلَ وَ قَا اِنَّا الْبَاذِلَ
اَللّٰهُمَّ اَبْدِ جَيْشَهُ اَمِنْ بَلَدَهُ وَ اجْعَلْهُ مُرَوِّجًا لِّلْسَلَامِ وَ مَحَبًّا
لِّلْمُسْلِمِينَ مُخَايِمًا لِّلْعُلَمَاءِ وَ مُرَبِّيًا لِّلْمُتَعَلِّمِينَ
اَللّٰهُمَّ ارْحَمْنَا وَ لِمُعَلِّمِنَا وَ لِمَنْ اَحْتَى مَدَارِسَنَا وَ اَسَّسَ اَسَاسَ
دُرُوسِنَا وَ اَلِغْنِ اَللّٰهُمَّ عَلٰى مَنْ ظَلَمَ عَلٰى الْاِسْلَامِ وَ هَذِهِ مَدَارِسُ
الْمُسْلِمِينَ بِرَحْمَتِكَ يَا اَرْحَمَ الرَّاحِمِينَ وَ صَلِّ اَللّٰهُمَّ
عَلٰى مُحَمَّدٍ وَ اٰلِهِ اَجْمَعِينَ.

دوعانين تورکجه‌سی:

اولونموش طبق و بير توفيق علملری حاصل ائيلمقه
 پروردگار آچ بيزه اؤز فضل و رحمت قاپی لاری و چوخ
 ائيله بيزه علم و احسان خزانه‌لری و پروردگار اکؤمک ائيله
 بيزيم عادل سلطانيميزا و بخشش ائيلین پادشاهيميزا
 پروردگار همیشه ائيله اونون ديريليفینی و کؤمک ائيله
 اونون قوشوننه و امن ائيله اونون مملکتینی و حفظ ائيله
 اونون اوغلو و ايله اونی رواح و یرن اسلامه و گوزتجی
 مسلمانلره گؤستر عالم لره و تربیت وئرن متعلم لره پروردگار
 ارحم ايله بيزه و بيزيم معلم لريميزه و اوکسه که درتدی
 بيزيم مدرسه لريمیزی و محکم ایلدی بيزيم درس لريميزین
 بناسنی ولعن و غضب ائيله الهی اوکسه که ظلم ایلیه اسلامه
 و پوزا مسلمانلارین مدرسه لرینی او رحمتن حقیقه ای رحم
 ائیلین لرین رحم ائیلین راقی و صلوات گؤندری ئوز
 پیغمبرین محمده و اونون اولادینا تماماً.

- ۱ -

بیر آسلان ایله ایکی اوکوز

بیر آسلان، بیر اوتلاقدا، ایکی ئوکوزه راست گلدی و آنلاری دوتوب
یتمک ایچون هیجوم ائیله دی.

ئوکوزلر در حال باش - باشا وئریب بویونزلاریله آسلانا مقابله ائیله
دیلر.

آسلان بونلارین رفاقتینی گؤروب، مکرو حیله دن باشقا بیر چاره
بیلمه دی. ئوکوزلردن بیرینه یاناشیب دئدی:

« یولداشیندان آیریلیب، اونو تک و تنها قویسان، اصلا سنیله رجوعوم
اولماز.»

یشکه باش اوکوز، آسلانین وئردیگی وعده لره آلدانیب کؤمگیندن
آیریلدی. در حال، آسلان فرصتی فوتا وئرمه ییب، اول ئوکوزو و
سونرا، آنین یولداشینا بیر تیب یئدی.

معناسی بودور:

آرالاریندا اتفاق و اتحاد حاصل اولان بیر مملکت اهلی، هر بیر وقت و

زمان امن و آماندا قاليرلار باقى.

نفاق و شقاق باشلاديقلارى زمان، آنلرين جمله سى تلف اولور، ملك
و خانمانلارى ئوزگه دوشمن الينه كئچير.

منظومه سى:

بىر چمنزار بىر گوزل اوتلاق،

اولموش ايدى ايكى ئوكوزه ياتاق.

اوتلاماق ايسته سه اوتو واربول،

ايچمك ايسترسه سوبانيندا، سو بول.

ارسلان اولدو حالدان آگاه،

ايسته دى اولسون اونلارا همراه.

يمنى اوتلاقدا مقام ائتسين،

آنلارى ئولدوروب طعام ائتسين

وئرمه ديلر ئوكوزلر اونا مجال

اتفاق ائتديلر، اولوب هم حال،

شير حمله ائدنده شب يا روز،

گؤستيردى اولار اونا بوينوز.

شير گؤردو كه اولمايير چاره،

حيله يه اؤز چئويردى بيچاره.

يانلايب آنلارين بىرىنى، ياواش

دئدى: «بند اولما يولداشا، قارداش!

اوتلا صحرائی، گز گیلن تنها،
سنه مسندن اولور حیمایتها!
اثر ائتدی ئوکوزه شیر سؤزو،
یاغلی سؤزلره آخدی پیل گوزو.
اولدو بو سؤزله یاردان تنها،
ائتمه دی مثیل یولداشا، اصلا.
شیر چون یاری ائیله دی اغیار،
تک به تک ائتدی آنلاری موردار.

قصه دن حصه:

بودور مقصود قصه دن حصه،
مستفق قوم چکمدی غصه.

- ۲ -

انسان ايله بير بوت

بير آدام، ئوز ائوينده كى بير بوتا سحر - آخشام سجده ائيلردى و هر نه قدهر مال و مولكو وار ايدى ايسه، تدريج ايله او بوتون يولوندا نذر و صدقه و قوربان ائيله دى.

بيرگون بوت، او آداما اؤز چئوپريب دئدى:

- اى ايله انسان! بوقدهر مالى و دؤلتى منيم يولومدا تلف ائيلمه، زيراکه آخرته ياخامدان دوتوبان، ملامت ائدهجک سن.

معناسى: چوخ سفیه آداملار وارديرکه اللرينده اولان سرمايه و دؤولتلىرىنى بوش يثره تلف ائيلرلر و آخردا مفلس اولدوقلارى حالدا، «يىزى الله ذليل و فقير ائيله دى» دئيرلر.

- ۳ -

بیر قارا عرب

آغارماق ایسته ین بیر قارا عرب، ثوزونو بیر سو ایچینه سالیب
یوونوردو. بو حالدا بیر آدام اورایا گلیب دئدی:
- ای عرب قارداش! یوونماق ایله آغار میه جاقسان. هنج اولمازسا،
سو یو بولانديرما!

معناسی: طبیعتده موجود اولان شیئین تغیر و تبدیلی ممکن اولماز.
چالیشان چاریق بیر تار.

- ۴ -

باغا ايله بير داوشان

بير واخت داوشان ايله بير باغا بحث و مرج ائيله ديلر كه آنلاردان
هانسی بیری [نین] تتر یوگورن اولدوغو معلوم اولسون.

بونلار بير داغی نشانلاييب، بيردن یوگورمك باشلاديلار. داوشان ئوز
خفيف و یونگول اولماغينا مغرور اولوب يولون اورتاسيندا ياتيپ يوخويا
قالدی. توسباغا ئوزوندن آغير ليغيني و آغير - آغير گئديشيني ملاحظه
ائيله ييب روان اولدو.

توسباغا گئتمكده و داوشان شیرين يوخو [دا] اولدوغو حالدا، باغا
منزلی باشا ووروب نشان ائديکلیرى داغا چاتدی.

معناسی: آغير وجوديله آهسته - آهسته گئتمك، خفيف بدنله عجله
ائيلمه كدن ياخشيدير.

- ۵ - مارال

مارال ایلن بیرى سو ایچمک ایچون بیر بولاق اوستونه گلدی. ایچدیگی سو ایچینه، ئوز صورتینی گوروب آياقلاری نین غایت اینجه و نازک لیگیندن چوخ غملى اولدو. سونرا بوینوزلاری نین بؤیوک اولدوغون گوروب، سئویندی. بودمده بیر نئچه آوچیلار[ین] اونون اوستونه هیجوم ائيله دیگینی گوروب، فی الحال قاچماقا باشلادی.

آوچیلارین آنین آرخاسیندان دوشوب، بیر چوخ مدت صحرا و بیابانلاری دولاندیلار ایسه ده، اله گئیره بیلمه دیلر، ناومید قالدیلار.

بو ائئاده، مارالین یولو بیر قالین مئشه و آغاجلیغا دوشوب، بوداقلی و شاخه لی اولان بؤیوک بوینوزلاری کول کوسا بند اولوب قالدی و نه قدهر چابالانیب ویریشدیس، گئنه خیلاص اولایلمه دی.

آوچیلار بو حالی گوروب تئز الدن یوگوردولر، مارالی گوروب تلف ائيله دیلر. یازیق مارال، جان وئردیگی حالدا صرهدده بوینوزلارایله

آياقلارينى خاطيرينه دئير ايدى كه:
 «حقارت گوزيله باخيب غمگين اولدوغوم آياقلاريم، منى صحرادا
 دوشمن اليندن قورتاردى و لاكين ممنون و مسرور اولدوغوم بوينوزلاريم
 هلاكيما سبب اولدو.»

معناسى: بير چوخ شيئر واردير كه ابتدا انسانين گوزونه خوش
 گورونور، اما آخردا آندان نتيجه لر آلينير و بعضى فنا گورونن شيئلرده
 واردير كه انجام كاردا نتيجه سى چيخار.
منظومه سى:

سوسالاشدى مارال بير چؤلده
 آختاريب تاپدى سويو بير گؤلده.
 دومدورو، صاف، آينا تڪ ايدى سو
 عكسينى آلدى، توتدو روى به رو.
 گوردو بوينوزلارين بوداق - بوداق،
 شاد اولوب آتدى بير نئچه شيللاق.
 اول زامان بيرده باخدى اول سوياء
 قيچلارين گوردو بنزه بير موياء.
 گورجگين آندى ايدى بير پاواز،
 قوش كيمي اوچدو، ائيله دى پرواز.
 آوچى دا بير كمينده ايدى نهان،
 ائيله ميشدى مارالى صيده نشان.
 هرقدەر ووردو آوچى مهميز آتا،

اولمادی حدی آنین، آنا چاتا.
 قورخور ایدی، قیلیردی اندیشه،
 قارشیدا گوردو گوللو بیر بیشه.
 بودی ملجا دئدی، بودور ماوا،
 قاچاراق، گزدی آنه بی پروا.
 گئتمیش ایدی اورادا ایکی قدم،
 بوینوزون دوتدو بیر آغاج، محکم.
 هر طرف دؤندو، چکدی آه و فغان،
 آخدی بوینوزلارین دیبندن قان.
 غملنیب، آه ائدیب، چکیب فریاد،
 یئتیشیب ناگه اوندا بیر صیاد،
 ائده جک جسم و جانینی بر باد.
 سست اولوب قالدی، آه و و چالدی،
 بوینوزون - قیچلارین یادا سالدی.
 دئدی:

« - غمگین ائدن منی قیچلار،
 درد و ثریب حزنوم آرتیران قیچلار،
 اولدو صحرادا جسم و جانا قاناد،
 قویمادی آنلاری اولار بر باد.
 شاد اولوب فخر قیلدیغیم بوینوز،
 جانیمی حیفظدن چثویردی اوز.
 یعنی بند ائتدی، چکدی دارا منی،

و ئردى اعداى كجمداره منى!

قصه دن حصه:

رسميدير بو جهاندا كيم احمق

حقى ناحق گوردو، ناحقى، حق!

- ۶ -

خسته بیر مارال

مارالین بیر خسته اولموشدو. دوست و آشنالاری کثف و احوالیندان خبر آلماق ایچون، یاتدیغی محله [یه] گلدیلر. بونلار گلیب - گئتدیکلری زمان، او یثرده کی اوت و علفی یثیب تمام ائیله میشدیلر. مارال خسته لیکدن خیلاص اولدو، اما اطرافیندا یثیه جک هئج بیر شئی قالمادیغی ایچون، آجلیقدان تلف اولدو.

معناسی: دوست، آشینا، قوم و اقریاسی چوخ اولانین درد و غمی چوخ اولور.

- ۷ - بیر عرب

عربین بیر قاریاغارکن، پالتارینی چیخاریب قار ایله بدنین و باشین
سورتمگه باشلاییر.

عاغیللی آدامین بیر اونون بو حالینی گؤروب، عرب ایله آنین
آراسیندا بئله بیر دانیشیق کئچدی:

عاغیللی - نه ایچون وجودووا قار سورتورسن؟

عرب - بدنیم قارکیمی آغارماغینی ایستیرم.

**عاغیللی - بیچاره، بیجا یثره زحمت چکیرسن. زیرا قار، سنین اوقارا
وجودون اصلا آغارتماز. بلکه وجودون قاری دا قارا ائده جکدیر!**

معناسی: بد خاصیتلی آدمی هئچ بیر شی یاخشی ائیلمز، بلکه او آدم
یاخشیلینینی دا فنا ائیلر.

- ۸ -

كۆپكلر ايله يير تولكو

كۆپكلر يير آسلان دريسى تاپيب و هر ييري بير طرفدن ياپيشيان
چكىرديلر.

تولكونون ييري بونو گۇروب دئدى:

«اگر آسلان ديري اولسايدى، اونون ديشلرينى ئوز چنگاليزدان
كسكىن راق گۇرەرديز.»

معناسى: بعضى آداملار، بۇيوك آداملاردان ييري ضعيف اولوب
ايشيندن دوشدوگو زمان، اونا حۇرمتسىزلىك كۇسترلر.

- ۹ -

ایکی خوروز

ایکی خوروز بیر - بیرله دؤیوشوردولر. بیرسی باسیلیبان قاچدی و
بیر یثره سوخولوب گیزلندی. اما اونو باسان خوروز، بیر دامین اوستونه
چیخیب ئوز زور و قوتینه خوشحال اولوب قانادلارینی شاققیلدادیب
بانلار ایکن، بیرتیجی قوشلارین بیر شیغیدی و اونو قاپیان گتتدی.

معناسی: گرک آدام ئوز زور و قوتینه مغرور اولماسین و قاچاق
دوشمنی قوماسین که دوه دن بؤیوک فیل وار.

- ۱۰ -

كۆپك ايله بىر قورد

بىر گون، چوبان ايتى ايله بىرى، چۆلدە بىر جاناواری قاباغينا فاتىب
 اورايا- بورايا قاووردو، و ئوز - ئوزونه فخر ائيلردى.
 قورد، اوزونو او كۆپگه چئويرىن دئدى:
 «- ظن ائيلمه كه سندن قورخورام. بلكه من سنه آرخا دوروب گلن او
 آدامدان قورخورام.»

معناسى: آدم، ئوزگه هونرى ايله فخر ائلمه لى دگىل، زىراكه بىر گون
 او ئوزگه اولماز و ذليل اولار. آرخالى كۆپك قورد باسار.

- ۱۱ -

اٲششك آريسي

بیر اٲششك آريسي نين بيري، بال آريسينا دٲيركه:
 «- اگر مني ٲوزووه يولداش اٲيله سن، من داهي سنین تكي، بلکه سندن
 ده اعلا بال قايراييلرم.»
 بال آريسي بونا راضي اولوب، اٲششك آريسي ايله يولداشليق
 باشلاير. بونلار ايشه باشلايرلار.
 بيرگون بال آريسي گؤره كه اٲششك آريسي نين بال قايرماقدا الي
 يوخدور. اونا گؤره، چوخ آحيقلانار و اٲششك آريسينا بير نشتر
 ايليشديره كه اٲششك آريسي يٲره ييخيليب جان وٲره، و ٲولوم حاليندا
 ٲوز - ٲوزونه دٲير:
 «- باشيما گلن بو قده ر عذاب و عقوبته مستحق و لا ييقيم كه نفت
 قايرماغا قدر تيم اولما ديغي حالدا، گليب بال قايرماغا گيرديم.»
 معناسي: چوخ آداملار واردير كه اللريندن هنج بير شئي گلمه ديگي
 حالدا ييليجيلر جرگه سینه گيرمگه چاليشيرلار.

- ۱۲ -

كۆپك ايله بير چايلاق

كۆپگين بيرى، سلاخ خانادان بير پارچا ات قاپب بير چاي ايچيندن
كئچركن آغزىنداكى ات پارچاسى نين عكسىنى سوداگوردو، و اونو داهى
ات بىلىب قاپماق ايسته دى.

بو حالدا، آغزىندان دوشن اتى، چايلاق قاپدى، گتتى.
كۆپك آغزىندان سالدېنى اتى داهى قاپا بيلمەيىب، ئوز - ئوزونه
دئيردى:

« - نه آخماق ايش، منە فايداسى اولمايان ايش آردىنا دوشوب
آغزىمداكى اتمى ده ايتىردىم. »

معناسى: بعض آدمالار واردير كه يوخ اولان بير شى آردىنا دوشوب
اللىرىنده كى فايده نى ترك ائله رلر.

- ۱۳ -

آسلان ايله بير مارال

مارالين بيرى آوچيلارين قورخوسوندان قاجيب بير ماغارا ايچينه
 گيره رگيرمز، آرخاسيندان بير آسلان گليب اونو تلف ائله بير.
 او واخت مارال ئوز بخت و طالعيندن شكايت ائيله ييب، دئير كه:
 « - بد بختليگه باخينيز كه آدام اليندن قاجديم ايسه ده، آخر دا آندان
 بدتر اولان بير قان ايچن چنگينه دوشدوم.»

معناسى: بعضا ائله اولور كه انسان بير بلادان قاجيب خيلاص اولور
 ايسه ده، اوندان بترينه راست گلير.

- ۱۴ -

بیر آدام ایله بیر بستانچی

بوستانچی بیرى، بوستانیندا اکدیگی پاخلاسىنى سولا بیر [دی]. بومده اورایا بیر آدام گلر و آرالاریندا بئله بیر دانیشیق کئچر:

آدام - ای بوستانچی! بونون سببی نه دیر که داغ پاخلاسىنى هئچ بیر آدام سولامادیغی حالدا، یئنه باغ پاخلاسىندان زیاده آرتیق گؤزهل و ترو تازه اولور و باغ پاخلاسىنا هرگون سو وئریلدیگی حالدا، یئنه تئز سولور؟

بوستانچی - داغ پاخلاسىنا تربیه وئرن اونون ئوز دوغما آناسیدیر، اما باغ پاخلاسىنا تربیه وئرن آنین ئوگئی آناسیدیر.

معناسی: دوغما آتا - آنانین اولادینا اولان تربیه سی، ئوگئی آنا وئردیگی تربیه دن اعلا و فایدالی اولار.

- ۱۵ -

ملك الموت ايله انسان

انسانين بيرى آرخاسيندا بير شله آليب گئديردى. يورولوب شله سيني آرخاسيندان يثره آتدى و الله تعالى دان ثولوم ايسته دى. دوعاسى قبول اولدو، فى الحال ملك الموت ظاهر اولوب يانيندا دوردو و دئدى:

« - اى انسان! نه بويورورسان؟ »

انسان جان وئرمكن قورخوبان دئدى كه:

« - يا ملك الموت! سنى چاغيرديغىما سبب اودوركه بوشله نى قالديريپ آرخاما وئرهرسن! »

معناسى: انسان نه قدير حقير و ذليل اولسادا، گشته دونيانين ديريلديگيندن ال چكمك ايستمه مز.

- ۱۶ -

میرچگین خیالی

هئی میرچگین بیرر ٹوکوزون بوینوزونا قوندو. اوتورانندان سونرا،
ٹوکوزه دئدی:

«- ای ٹوکوز! آغیرلیغیم سنه زحمت وئر دیگی واخت، منه خبر وئر که
قالخیب گئدیم.»
ٹوکوز دئدی:

«- بوینوزوما قوندوغونندان خبریم اولمادیگی کیمی، اوچوب
گئتمگیندن داهی خبریم اولمایا جاقدیر.»

معناسی: بیر چوخ ابله آداملار وار دیر که قدر و اعتبار و دگرلری
اولمادیگی حالدا، ٹوزلرینی معتبر و بؤیوک بیر شئی ظن ایدرلر.

-۱۷-

آسلان ايله بير انسان

بير آدام ايله بير آسلان يولداش اولوب يول گئديرديلر. بونلاردان هر بيري ئوزونون زور و قوت و مهارت و شجاعتيندن بحث آچيب دانئشirdي.

آسلان ئوز قوت و شجاعتيني تعريف و توصيف ائتمكده مبالغه ائيلردى. بو ائئاده بير ديوارا راست گئديلر كه اوندا چكميز اولان بير شكيلده انسانين بيري آسلانى آلتينا آليب بوغوردو.

انسان بو شكلى آسلانا گؤستردى و گولدى. آسلان بو ايهامى آنلايان انسانا دئدى كه:

«- اى انسان! عبث يئره گولورسن، زيرا كه اگر آسلانلار داهى آدام تكى تصوير علميني بيلميش اولسايديلار، او واخت هانسى بير آدام آسلانى بوغا ييله جك ايدى؟ بلكه آسلان آدمى بوغموش اولوردو!»

معناسى: بعض انسان ئوز اهل و عيال و اولاد و اقرباسى نين تعريف و شهادتى ايله تزكيه اولونماز.

-۱۸-

آسلان ايله بير مارال^۱

مارالين بيرى، آوچيلارين قورخوسوندان قاچيب بير ماغارا ايچينه
گيرمك همان، آرخاسيندان بير آسلان گيريب اونو تلف ائيله مك همان.
او واخت، مارال بخت و طالعيندن شكايث ائيله ييب دئيركه:
«- بدبختليگه باخينيز كه آدام اليندن قاچديم ايسه، آخرده آندان بدتر
اولان بير قان ايچن چنگينه دوشدوم.»

معناسى: بعض واخت ائله اولور كه انسان بير بلادان قاچيب خيلاص
اولور ايسه ده، آندان بترينه راست گلير.

۱. بورادا ۱۴ - نجو ميثال بير باشقا انشاء ايله تكرر اولونموشدور.

- ۱۹ -

اوغرو و زاهد

بیر اوغرو بیر پارسانین منزلینه تولنگلیگه گئدیپ، زاهدین منزلینی ئوز جیییندن تمیزراق و قلبیندن قارائلیق راق گؤروب قاییتماق ایستر ایکن، زاهد خبر دار اولوب بیر گلیم که آنین اوستونده یاتمیش ایدی، گؤتوروب اوغرونون یولونا سالدی که مایوس قاییتماسین.

معناسی: کامیل آدمالار، دوشمنلرین قلبین سیندیرماییب، نه اسگیك آدماسان که دوستلار خاطیرینی سیندیراسان.

- ۲۰ -

آسلان ايله قورد و تولكو

بیرگون بیر آسلان و بیر قورد و بیر تولكو آواگتدیلر. بیر داغ کئچی
سی ايله بیر مارال و بیر داوشان آولادیلار.
آسلان قوردا دئدی:

«- بونلاری آرامیزدا بولوشدورا!»

قورد، بونلاری بؤلگه باشلایبیان دئدی که:

«- داغ کئچی سی سنین، مارال منیم و داوشان دا تولکونون اولسون.»

آسلان بو تقسیمه راضی اولمادی و پنجه سینی قالدیزیان قوردون کله
سینه ائله چالیدی که باشی یرته دگدی.

اوندان سونرا، اوزونو تولکویه دوتوب دئدی:

«- ای تولکو بابا! سن بونلاری تقسیم ائله!»

تولکو دئدی: «داغ کئچی سین بیزیم آغامیز اولان آسلان بوگون صبح
و سحر واختی قهوه آلتی ائیلر، داوشانی داگون اورتا زمانی یشیر، مارال دا

آخشام طعامی ایچون اولور.»
 تولکو بابا! نه عجب حکم تقسیم ائيله دین! بو جوره تقسیمی کیمدن
 ئویرندین؟»
 تولکو بونون جوايیندا دئدی که:
 «- آغامیزین قاباغینا دوشن قورد کله سیندن ئویرندیم!»

معناسی: [انسان] بؤیوکترین طبیعتینی ئویره نیب، اونلارین مزاجلارینا
 [گۆره] رفتار ائلمه لی و یا اینکه اوزاقدان دوروب باخمالی دیر.

- ۲۱ -

باغوان ایله بیر عوسج آغاجی^۱

بیر گون، عوسج آغاجی بیر باغوانا دئدی:
 «- اگر منی بیر آدام بورادان چیخاریب بیر باغین اورتاسیندا اکسه و سو
 و ثریب بسله سه، او واخت گؤرر که یئر اوزونون پادشاهلاری منیم گول و
 میوه مه نفعه مثیل و رغبت ائدیرلر.»
 باغوان اینانیب و اونو باغچانین اورتا یئرینده بیر گؤزل یثرده اکدی و
 گونده ایکی کره اونو سولادی.
 آغاج، گوندن گونه بوی آتیب و یثره کؤک سالدی و تیکانلاری و
 قول - بوداغی او قدهر قالینلاشدی که اطرافیندا هئج بیر آدام دورا
 بیلمه دی.

۱. عوسج، بوداقلاری تیکانلار ایله دولو، قیرمیزی و گیرده میوه سی اولان آغاج. تورکجه میزده

معناسی:

۱. نانجیب، تربیت ایله نجیب اولماز.
۲. دمیر میخ داشا کئچمز.
۳. عاقبت قورد اوغلو قورد اولور.
۴. پیسه یاخشیلیق ائدن، او قدهرده پیسلیک گؤرر.

- ۲۲ -

شتر و سیچان

بیر و اخت شتر یاتمیشدی. بیر سیچان اونون اوستوندن کهمچنده، شتر اویانیب اونو دوتدو. سیچان دئدی:

«- گل منی آزاد ائيله بیر و اخت اولار کی سنه لازم اولارام.»

شتر بو سؤزه گولوب اونو آزاد ائيله دی.

بیر و اخت که شتر شیکارچیلارین نورو نا دوشوب باغیریدی، سیچان اونون فریادینی ائشیدیب و گلیب تورو دیشی ایله کسدی و شتری خیلاص ائيله دی.

معناسی: گر کمزی ساخلا، بیر گون گرک اولار.

- ۲۳ -

خوروز و گۆيرچين

بیر گون بیر دهاتی دگیر مانا دن آپاردینی حالدا، جووالین بیر تیغیندان
بوغدا یشره تۆکولوردو.

خوروز و گۆيرچين دانه تحصيل ائيله مک باشلاييب، تفاق ايله
مشغول اولدولار.

خوروز بخل ائديب، گۆيرچينلری قاودی. گۆيرچينلر، خوروزدان
چالاجانا شيكایت آپاردیلار. چالاجان خوروزو پارچالاييب،
گۆيرچينلری ده بیر - بیر بوغدو، و دانه لری یشدی و يولا باشلادی.

معناسی:

گۆيرچينلر خصوصوندا: يانغيدان چيخديم، ياليدا دوشدوم.

خوروز باره سينده: دوه دن بۆيوك فيل وار.

قصه دن حصه:

نفاقی و مواساتی اولان طائفه، همیشه راحت و آسوده دیر. اما تفاقى و
مواساتى اولمايان طائفه، دايم بلادا و زحمتده دیر.

آتالار سؤزو: قونشو[نو] بیر ئوکوزلو ایسته تا ایکی ئوکوزلو اولاسان.

- ۲۴ -

تدیبر سیز بیر مارال

مارالین بیر، سو ایچمک ایچون، سو دریاسی نین ایچینه گیدی.
 طاماهکارلیغیندان بیر خیلی سو ایچیب، سونرا، اورادان چیخماق ایسته بیر
 ایسه ده، ممکن اولایلمه دی. بو اثنادا تولکونون بیر بونو گوروب
 دئیرکه:

«- ای مارال قارداش! ایشین چوخ یاماندیر! سنه لازم ایدی که اورایا
 دوشمکدن قاباق، نه قسم چیخا بیله جگی فیکیر ائیلیه یدین.»

معناسی: مشورت و مصلحت سیز ایشلرین نتیجه سی ضررلی اولور.

- ۲۵ -

طاماهاکار بیر قاری

بیر قوجا قاری نین بیر تو یوغو وار ایدی. بو تو یوق، هر گون، بیر دنه
گوموش یومورتا یومورتلاردی.

قاری، بیر گون ئوز - ئوزونه فیکر ائيله ییب دئدی که:

«- اگر بو تو یوغ[ون] یثمین آرتیریر[یم] ایسه، البته گونده ایکی یومورتا

یومورتلار.»

اوندان سونرا، هر گون تو یوغون یثمین و سویونو آرتیرماغا باشلادی.

تو یوق، سوو یثمدن اوقدهر یثدی که بیر گون چینه دانی داغیلیب، موردار
اولدو.

معناسی: چوخ طاماهاکار لار واردیر که شک و شبهه لی بیر فایده نی اله

کتیرمک ایچون، اللرینده اولان فایده سینی ده تلف ائدرلر.»

مثلدیر: چوخ یثمک، آدمی آز یثمکدن ده قویار.

- ۲۶ -

قورد ايله آسلان

بیر وخت، قوردون بیرری بیر کئچجی بالاسینی آغزینا آلیب گئدیردی.
یولدا بیر آسلانا راست گلدی. آسلان قوردون آغزیندان اونو آلیب یئدی.
قورد اوزاقدا دوروب دئییردی:
« - من تعجب ائیلیرم که غضب ائيله ديگيم شئی، یعنی ئوزوگه نین
الیندن آلدیغیم زاد نئجه منیم الیمده قالیردی.»

معناسی: ظلم و زور ايله آلینان مال، ظالیم الینده قالماز، اگر قالسادا،
اونندان فایدا اولماز.

- ۲۷ -

حقارتە تابى اولمايان آسلان

آسلانلار يىرى، گونش حرارتىندىن بىر ماغارا كۆلگەسىنە تىيجا
اىيلەمىشىدى. بىر چكىرتكە پيدا اولوب آسلانين اوستونە قوندو، و
آرخاسىندان دىشلمگە باشلادى.

آسلان چكىرتكەننن حركتىندىن خويلانىب، ساغ و سولا دۇنوردو، و
غۇبىدىن تىترىرايدى.

تولكونون يىرى بو حالى گۇروب، گولدو.

آسلان، تولكوبە اوز چئويرىبن دئدى:

«- اى تولكو! منىم بو وجهىلە لرزان اولماغىما رىشخند ائىلمە، زىرا
منىم جانىما تىترنمە سالان چكىرتكە اولمايىب، آنجاق اونون حقارت و
جسارتىنە تاب گئىرە بىلمە دىگىمىدندىر كە بئله تىترىم.»

معناسى: دونيادا عاقىل و كامىل اولان آدمىلار، جملە دن زياده
حقارت و آلچاقلىق كئىرن شىلردن قورخمايدىرلار.

منظومە سى:

اولدو بير شیر و بيرده بير روباه
 دولانسیرديله کوه و صحرانی،
 ليک گرم اولموش ایدی بس که هاوا،
 شیر و روبه ده قالماييب طاقت،
 ائيله ییرديله صحبت بسیار،
 از قضا بیرچکیرتگهی نادان
 غفلتا شیرین اؤسته آتلاندی،
 قهردن گؤزلری اولوب قان تک
 گولده چوخ قاه - قاه ايله روباه
 سن سن اول کیم اولاندا عازم جنگ،
 نییه اولدون بئله بوگونده جنون،
 بیر ملخدن که داغیدیر اونی مور،
 وئردی آسلان جواب: کای احمق!
 ليک گلدی منه بو امرگران
 ائتدی چون بیردنی منه جرات
 بوسب ئولدورور منی غثیرت!

قصه دن حصه:

دگیل آنجاق بو قصه دن، ای جان!
 غرض اولدور که مد معنی یاب،
 صبر ائدیب گؤسترر قضایا رضا،
 که ائده بیرسفییه بی سروپا،
 نئجه که شیخ سعدی شیراز
 پارسا را بس این قده زندان،
 غرضیم نقل روبه و آسلان.
 چکسه یوزمین بلا و جور و عذاب.
 ليک دوشوار اولور اونا بو بلا،
 اونی حرف گران ايله رسوا!
 بئله چکمیش بو پرده ده آواز:
 که بود هم طویله ی زندان!

- ۲۸ -

آلدانمايان بير ئوكوز

آسلانين يىرى، زورلو و قوتلى اولان يىشكە بير ئوكوزو پارالايب
يىشمك ايستە يىردى و بو سببە گۆرە اوندان قورخوب ھىچ بير شئى
اتىمزدى.

آسلان حيلە دن باشقا بير چارە بىلمە دى و بير دفعە ئوكوزون يانندان
كئىچىدىكى حالدا، اونا دئدى كە بو گئىجە بير كۆرپە قوزو قوربان ائىلە
مىشم، بىزە گلنيز، اونو بير يىردە يىشك. ئوكوز بو دعوتى قبول ائىلە يىب،
آسلان ايلە بير يىردە ساكن اولدوغو محلە گلدلر.

آسلان اورادا بير چوخ اودون ياندىرىب، اوستونده بير قىلپلى قازان
قويموش اولدوغونو ئوكوز گۆرر - گۆرمز، گثرى دۇنوب و قاچماغا
باشلادى.

آسلان دئدى:

«- اى ئوكوز بئلە تىز قايتماقدا سبب نە اولدو؟»

ٹوكوز جواب و ثريب دئدى كه:

«- بورادا اولان تدارك[ون] قوزودان بؤيوك بير حيوان [ايچون]
اولماغيينا شك و شبهه قالماديغي ايچون قاجيرام.
معناسى: عاقيل و هوشيار اولانلار، دوشمنلرينى بيليب، اونلار ايله الفت
و انسيت ائيلمز لر و وعدو نويدلرينه آلدانمازلار.

-۲۹- بیر اوشاق

بیر اوشاق بیر قویویا گیریپ چیممک ایستیردی. سودا اوزمک
باشار ماماغینا گۆره، آز قالب که باتسین.

بودمده، او چایین کناریندان کئچن بیر آدمی گۆروب، اوندان کۆمک
ایسته بیر. او آدم، اونا کۆمک دورماقدان اول، طعن و ملامت ائیلمگه
باشلا بیر. اوشاق دئیر که:

«- آی کیشی! اول منی بو غرق اولماقدان خیلاص ائیله، سونرا،
هر قدهر ملامت ائلرایسن ائله!»

معناسی: بیر آدم ننگه دوشوب قورخدوغو واختدا، اونا طعن و ملامت
ائیلمک لاییق دگیلدير.

- ۳۰ -

عقرب ايله بير اوشاق

بیر اوشاق چکیرنگه دو تماغا چیخییمیش، بیر عقربه [یه] راست گلیر و
اونو چکیرگه ظن ائله ییب دو تماق ایسته بیر ایسه ده، دقتله باخیب عقرب
اولدوغونو آنلایار و الینی چکیر.

عقرب دئیر:

«- منی دو تسایدین، او واخت، ظن ائیلرم که، چکیرنگه آولماغی
توبه ائيله یدین!»

معناسی: انسان بیر ایشه شروعدان قاباق، او ایشین خیر و شر
اولدوغونو یاخشی فکر ائيله ملیدیر. و:
بیر یثره داخیل اولمامیش، خارج اولماغی ملاحظه ائتمک گرکدیر.

خاتمه الکتاب

الله تبارک و تعالی نین حول و قوه سیله بو کیتاب
یازیلیب اتمامه یتیشدی.

شریف مکتب لری میزین عزیز شاگیردلریندن تمنا ائدیرم که
بو کیتابین مولف و معلمینی و باسیب باسدیرانینی یازان ايله
بله، همیشه خیر دو عاسی ايله یاد ائده لر. والسلام.

تبریز ۱۳۰۶ هجری نبویه.

متنده گئدن سۆزجوک لر

آرخا: دالی

باسماق: چاپ ائتمک، نشر ائتمک

پاواز: بیر آغاجی یارماق ایچون اوندا آچیلان جیریغا قویولان
پارچا آغاجدیر.

تولنلیک: اوغورلوق

سوسالاشماق: سوسوزلاماق، تشنه اولماق

شله: بوک

شیغیماق: اوچان و قانلی بیر حیوانین حملة ائدیپ طعمه سینی قاپماق
صره: تله: تور.

عوسج: بوداقلاری تیکانلار ابله دولو، قیرمیزی و گیرده میوه سی اولان
آغاج. تورکجه میزده قاندالان دئییلیر.

فنا: پیس، یاخشی اولمایان

ملک الموت: ثولوم ملگی، عزرائیل

میرچک: میلچک، چیین

وارماق: گئتمک

متنده گئدن آتاسؤزلرى

آرخالى كؤپك قورد باسار
 پيسه ساخشيليق ائدن اوقدهرده پيسليك گؤرر
 چالیشان چاريق بير تار
 چوخ يشمك، آدامى آز يشمكدن قويار
 دمير مينخ داشا كئچمز
 دوه دن بؤيوك فيل وار
 عاقبت قورد اوغلو قورد اولار
 قونشونو بير ئوكوزلو ايسته تا ايكي ئوكوزلو اولاسان
 گر كمزى ساخلا، بير گون گر ك اولار
 نانجيب ترييه ايله نجيب اولماز

کتاب امثال لقمان یک کتاب درسی است که توسط مرحوم حاج میرزا حسن رشديه در دوره ناصر الدين شاه قاجار برای تدریس در دوره ابتدایی مدارس رشديه تألیف شده و در زمان حیات خود مؤلف به چاپ سنگی رسیده است . این کتاب را استاد دکتر حسین محمد زاده صديق استاد زبان و ادبیات فارسی و ترکی دانشگاههای تهران با مقدمه ای مبسوط و معرفی متون درسی مکاتب اسلامی در دوران گذشته برای چاپ آماده کرده بودند که ناشر دریفش آمد علاقه مندان را از خواندن این اثر ارزنده محروم سازد . امیدواریم آثار گرانقدر تاریخ آموزش و پرورش اسلامی کشورمان یکی پس از دیگری به حلیه ی طبع آراسته گردد .

شابک ۸-۵-۹۱۹۱۶-۹۶۴

ISBN 964-91916-5-8

قیمت ۵۰۰ تومان